

## لالہ آره گامی! متصوفانہ تہ متفکرانہ رویک شاعر

ناصر احمد کمار  
ریسرچ سکالر  
کشمیری ڈیپارٹمنٹ، یونیورسٹی آف کشمیر

تلخیص

کاشر صوفی شاعری ہند ابتدا چہ شیخ العالم سند پیٹھم گوتم - یہ روایت چہے  
آزتام جاری۔ آتہ اندر گیہ واریاہ گونماتہ تم تہ پاد ، یمن ہند کلامک کانہہ پے  
پتہا چہنہ۔ کینژن ہند کم کاسہ کلام روڈ زبان زد آسنہ کہ وجہ موجب  
موجود، یمن منڑمثالے مومن صاب ، رحمان ڈار تہ شاہ غفور ہوی شاعر چہ  
۱۹ صدی ہندی کاشری صوفی شاعر ہندی کلام روڈی واریاہ حدس نام  
محفوظ تہ ۲۰ صدی ہندی کلام گیہ چہاپ خانہ پنہ کئی اکثر چہاپ۔ لالہ  
صاب آرگامی تہ چہ امے دورک صوفی شاعر۔ یمو کاشرس ادبی سرمایس  
اکھ مولل ہرژر کوریمو صوفی شاعری اندر اکثر ورتاونہ آمتی موضوع پنہ  
آیہ قلمبند کری، یمن اندر وحدت ، کثرت، عشق مژر، وپداکہ در فراق،  
وصل، ذکر و اذکار، مقام، عید روف بیتہ ہوے اکثر وپڑھناومتی تہ ورتاومتی  
چہکھامہ علاقہ چہ سنن لجن پیٹھ ”اکھ نڈن“ تہ لیوکھمتیس، علامتی  
اظہار پراوتہ عرفانچ وپڑھنے ہاوان چہ یتہ مقالس اندر کرو لالہ صابنہ  
حالات زندگی علاقہ تہند صوفیانہ تہ متفکرانہ نظریہچ کم کاسہ وپچہنے۔

کلیدی الفاظ: گونماتہ، زبان، وحدت ، کثرت، علامتی اظہار، عرفان۔

تعارف

لالہ صاب آره گامی زائے ۱۱ مارچ ۱۹۲۳ عیسویس اندر ہند پورکس چٹھے بانڈے کس آره گامس منڑ - لالہ آره  
گامی سند اصلی ناو اوس لالہ ملک۔ مالس اوسک ناو داود ملک تہ ماجہ دولت دید۔ لالہ صابنہ اسی پانژمہ تامچ تعلیم پنیسے  
گامس اندر حاصل کرنہ پتہ ہند پور کس مڈل سکولس منڑ اٹھمہ تام مروجہ تعلیم پراومڑ۔ امہ پتہ اسی گونس ستی لوے  
خوے تہاونہ موجب صوفی محفلن اندر گونہ گڑھان۔ گونس دوران چہکھ شعبان صاب سولرس ستی ملاقات سپدینچ ذکر  
یمن لفظن منڑ گرمڑ:

”...یمن تہ لوگ میون گیون سپٹہاہ پسند یمو کر مے علم روحانیتہ یانے تصوفچ زان۔“

(جام ساقی: ص 6)

شعبان صابنہ قادری سلسلہ آسنیکہ وجہ موجب چہ لالہ صاب تہ قادری رنگس اندر رنگنہ یوان شعبان صابنہ صحبتس  
اندر روحانی منزل طے کرنس دوران چہ لالہ صاب شعر ونبی تہ شروع کران، یتہ متعلق پانہ چہ یتہ پاتھی فرماوان:

”...امہ پتہ لوگس بہ پانٹر وبری شاپری گرنہ۔“

(جامِ ساقی: ص 6)

یہ جُھ تقریباً کُنوہ شتہ کہ ژورمہ دُبلے کہ اُندی پُکی کُک زمانہ بنان۔

شعبان صاب سولری سندر حمت حق سپدنہ پتہ جُھ لالہ صابہ آرہ گامی روحانی بوجہ آسنہ کنی پانس کڑ بیاکھ مرشد ژہاران، آتہ دوران جُھ لالہ صاب اکھ خواب وچہان، یُمیک ذکر تمو پتہ پاتھی جُھ کورمت:

”...یہ شالہ مار باغس منز مگر آتہ باغس جُھ درواز بند مے چہنہ نیرنس کانہہ وتہاہ۔ بہ جُھس آتہ خابس منز ودان۔ آتی ودنس ستی چہ ہم میانی مُرشد پاک شعبان صاب سولری آتہ باغہ کس دیوارس پیٹھ مے نظری یوان۔ ہم چہ مے تراوان رز۔ آمی رز پیٹھی چہ مے دیوارس پیٹھ کھالان، تراوان چہم نیبر۔ آتہ جُھ اکھ بزرگاہ یوان ہم چہ مے رٹان کوچہ منز تراوان چہم موٹر کار منز تہ نیران چہ، واتناوان مے ژرار شریف۔“

(جامِ ساقی: ص 21)

امہ خواب پتہ جُھ لالہ صابہ آرہ گامی اکھ وریہ پتہ اُمس خواب و اُلس شخصس ستی اکس گیون محفلہ منز ملاقات گڑہان۔ امہ چہ آسان جناب عمہ صاب کاو، یُس زن لالہ صابن دویم مرشد بنان جُھ عمہ صاب کاو اوس ژار شریف روزان تہ لالہ صاب آرہ گامی روڈی آخرس تام اُمنے نش راہ حُفک جام چہوان۔

لالہ صاب کیا کیا کام اُسی پتنہ زندگی گُزر بسر کرنہ بابت کران، تنہ متعلق جُھ خالہ صابہ چہان لپکھان:

” لالہ صاب اوس سپٹھا محنتی۔ موزوری مشقت، دوکانداری گوری کار تہ امامتہ گرتہ پولکھ پُنن عیال۔“

(کلیاتِ لالہ آرگامی (ایڈیشن دوم): ص 20)

لالہ صابن جُھ پنینس اُکس کلامس اندر ”لالہ گور“ بحیثیت تخلص تہ ورتومت:

موت آرہ گامی لالہ گور گوت چانہ کلہ مدنو

پوت ماعشقس پھیور موبیم دور مدنو

(کلیاتِ لالہ آرگامی (ایڈیشن اول): ص 87)

لالہ صابن وصال جُھ ۲۴ اگست ۱۹۸۸ عیسوی اندر سپدان۔ اُمچ ذکر چہے لالہ صابنی مریدن (خالہ صابہ چہان) یمن لفظن اندر بیان گُرمژ:

” ۲۴ اگست ۱۹۸۸ جمعہ تہ پتہ وار ہنز درمیانی راز اندر گیمہ راہ نبی کی وتہ ہاؤکی میخانکی ساقی تہ پرزلوئی آفتاب مختصر علالتہ پتہ رحمت حق اِناللہ و اِناللہ راجعون۔“

(کلیاتِ لالہ آرگامی (ایڈیشن دوم): ص 25)

## لالہ آره گامی سنز شاعری ہند موضوعی تجزیہ:-

صوفی شاعری ہند ابتدا چھ ستمہ صدی عیسوی پیٹھ سپدان، یس زن عربی زبانی منز شروع گوو۔ حالانکہ امہ زبانی ہندی صوفی شاعر گیہ گم پہن پاد، یمن منز رابعہ بصری، منصور حلاج، ابن الفارض تہ ابن عربی خاص کر قابل ذکر چہ۔ البتہ فارسی زبانی ہندی علاقن اندر بیلہ تصوف ووت، نتہ کیو شاعرو واتہ ناوی تصوفانہ خیالات عروجس۔ اُمیک اثر پیو برصیغرجین زبانن پیٹھ تہ، یتہ منز کاشر زبان تہ چہے۔

کاشر صوفی شاعری ہند ابتدا اگرچہ شیخ العالم سنڈی پیٹھ سپدنت چہ البتہ ۱۹ صدی ہندس زمانس اندر چہے کاشر صوفی شاعری عروجس واتان۔ اتہ دورس اندر اسی محمود گامی، سوچہ کرال، نعمہ صاب، وہاب صاب کھار، رحیم صاب سوپور، اسد صاب پرے، وہاب پرے حاجنی پیو قداور صوفی شاعر۔

وہمہ صدی اندر سپد کاشر شاعری اندر موضوع تہ صنفی بدلاو۔ صوفیانہ رموزن ویژ ہناون والین سبتی گیہ ترقی پسند تحریک ہندی الم بردار شاعر تہ نمودار، یمو وژن صنف تراوتہ غزل تہ نظم صنف پننن خیالن ہند ترجمان بنو۔ امہ دورکی صوفی شاعر روڈ بدستور زیاد پہن وژن صنف منز ووند باوتہ کران، یمن منز صمد میر، احد زرگر تہ لالہ آره گامی قابلہ ذکر چہ۔

لالہ صاب چہ کاشر صوفی شاعری ہند روایتی موضوع (حسن و عشق، عاشق و معشوق، وصل و فراق، سوزو سروڈ) مطابق، پننہ ووندکی حسرت برتی آلو قلمچہ زیو پُشران وئی وچہو لالہ صابن کمہ آیہ چہے مختلف موضوعن ہنز ویژہنے پننن کلامن اندر گرمز۔ ابتدا شروع ز لالہ صاب کتہ پاتھی چہ سالک سند باپت سلوکچہ وتہ پیٹھ پکن تہ پکتہ خالق حقیقی سنز وتہ اندر مشکل ہند حل تہ صبرچ تلیقن کران؟

تصوف چہ وتہ پیٹھ پکنہ باپت چہ سالکس ہمیشہ رہبر سنز ضرورت روژمڑ۔ لالہ صاب چہ اتہ متعلق یہ عقیدہ تہاوان:

یُس انکار کر رہبرس      لوگ ورس رووس گیان

درِ آخر لگہ محشرس      لوگ ورس رووس گیان

یُس مُنکر پپر رہبرس      دوپ نبینن تس نہ ایمان

ثمی نار دیت پنہ نس گرس      لوگ ورس رووس گیان

سالکس چہ رہبر ہنہ ہنہ سیراسرا بوزنہ باپت تیار کران۔ کینہہ نادان چہ امن ہند لاپرواہی سان خام لوکن کھوٹیو دیارو بدلہ گنان، یتہ لالہ صابہ آرگامی ذاتی طور اتہ خلاف یمہ آیہ نصیحت کران:

کتہ میانہ موکن ہا کھوٹین دیارن

کمیو آوارن نیونے ہوش

لالہ صابِ چُھ باقاعدگی سان ونان زِ یہ عمل کرنہ سِتی چُھ انسان نقصانس منز:

پیرِ سُنڈ سپرِ گڑھ ژورِ پائھی تهاون  
کائسہ گڑھنہ باون کھیکھ ارمان

لالہ صابنہ شاعری اندر چُھ ذکر و اذکارن ہند ذکر تہ یلسہ پائھی اُمت یمن منز نفی، اثبات، خفی، انفاس، حدا، منصور، نیلوفر، گوہر، مداور، صنوبر، نرمل، یک ضرب، دو ضرب، سہ ضرب تہ چہار ضرب بیترِ ذکر چہے۔ مثالے:

تتہ چہس دل و جان سودایی	ینہ لالہ اللہ آم فرمان
تتہ چہس دل و جان سودایی	زانہ سویی یس رایہ آرام جان
ذکرِ دو ضربین مے اینہ ہوو	ذکرِ یک ضربین مے برمژوو
تتہ چہس دل و جان سودایی	ننہ وانہ بوژم مے سوزِ سلطان
برزخ صغرا پرزِ نووم	ذکرِ سہ ضربین جلاو دیووم
تتہ چہس دل و جان سودایی	چہار ضربُک ضرب مے کتر او ان

(کلیاتِ لالہ آرگامی (ایڈیشن اول): ص 60)

لالہ صابن چُھ اکھ کلام لیکھت یتہ منز واریابن ذکرن بند اثرچ باوتہ کرنہ امژ چہے۔ یتہ ”ذکرن ہند کلام“ ناو شوبہ یس ”کلیاتِ لالہ آرگامی“ (ایڈیشن اول) کس صفحہ نمبر 44 پیٹھ چُھ تہ ٹمیک مطلع چُھ یہ:

کائسہ گڑھنہ باون کھیکھ ارمان	پیرِ سُنڈ سپرِ گڑھ ژورِ پائھی تھاون
کائسہ گڑھنہ باون کھیکھ ارمان	وژہ تہ پڑھ گڑھ لولہ للناون

لالہ صابِ چُھ ذات بجایہ حقیقت کین صفاتن ہند جلو ڈیشنک قایل، تکیازِ ذات چہے لامحدود تہ کانہ تہ ہکینہ محدود آسنہ کہ وجہ موجود ذات سُنڈ احاطہ کرتہ۔ ذات چہے حق تہ حق چُھ حقیقت کھوتہ بلند۔ اگر کانہ دعوا کر ز بہ چُھس حقیقت زانان، سہ چُھ حقیقت زاننہ تہ حق نشہ بے زان۔ اوے چُھ منصور حلاج یتہ پائھی فرماوان:

”جہان تک حق کا تعلق ہے وہ حقیقت کے درجے سے بلند ہے۔ اسی واسطے حقیقت کو حق نہیں سمجھنا چاہیے۔ کیونکہ وہ اس سے علیحدہ ایک چیز ہے۔“

(کتاب طواسین: ص 95)

لالہ صائب چہ یی در نظر رُتھ و نان:

لالہ آره گامی سلامتی صفات ڈیشتہ ذات  
حیات ممت پر خایمتی اُتی عجائبات

(کلیاتِ لالہ آرگامی (ایڈیشن اول): ص 33)

معرفتس نام واٹن چہ سالک سُنْد دلی آرزو - اُتھ تام واتنہ باپت چہ سالکس تڑیو پڑاوو منڑ گُرن پیوان۔ لالہ صائب  
چہ معرفت حاصل گُرنہ باپت راہِ حقس سالکس یمِ آیہ تعلیم دوان:

گوڈ شریعت پالتن تعظیم سان	ادِ طریقت پائے حق سُبْحان
در حقیقت ماری فتنہ راز	یہ چہ اُمت شاہِ یندرِاز
ویسیے	ویسیے

(کلیاتِ لالہ آرگامی (ایڈیشن ترییم): ص 98)

حقیقتک جلو ڈیسنہ باپت چہ راہِ حق کس سالکس گرا سہ پریتھ شایہ تہ گرا پانسے اندر لینہ یوان۔ یہ حال بیلہ لالہ صائب  
پیٹھ تہ طاری چہ سپدان سہ تہ چہ یتھ پاتھی ویتھ گُرنہ:

ژہینتھ پیوسے دیوان نس وون	وُچھم بیر بون کونوے حالو
کورس فلواہ بو موت کُرن	وُچھم بیر بون کونوے حالو
نہ چہس تن من نہ چہم لاتن	سو چہم درمن دیوان ژہالو
نظر تراوم مے پانس کن	وُچھم بیر بون کونوے حالو

(کلیاتِ لالہ آرگامی (ایڈیشن اول): ص 24)

اسلامی عقیدہ مطابق چہ حق تعالیٰ پننہ بندہ بندین رُوحن عالم میثاق کہ دوہ پڑھان ز ”الست بر بکم“ (کیا بہ  
چہس نا تہند رب) ، یتھ کیئہ رُوح ”بلی“ (یعنی: کیا نہ) ڈپتھ جواب دوان چہ راہِ حق کس سالکس چہ مرشد یہ وعدہ  
ہروز یادن پاوان تہ لالہ صائب تہ چہ پانس ہر وز ژیتس تھوتھ و نان:

نیلہ اوس پنہ بابہ آدم	کعبہ تہ بُتخان
بیلہ نس مے وعدہ اقرا دیتوے	ونتہ کوتیے گوم

(کلیاتِ لالہ آرگامی (ایڈیشن اول): ص 221)

تصوفک سفر چہ لولک سفر۔ آتھ سفرس اندر چہ عاشقس گرا یار ستی وصل سپد فراق کس عالم منز زون پیوان تہ گرا معشوق سنز مایہ لولہ ویداکھ دیوان۔ عاشق چہ معشوق سنزن نظر کر مک طلب گار رو دمت ،خاہ سہ مجازی عشق اسی تہن یا حقیقی۔ لالہ صاب چہ پننن دادین بند مدو ہایت یتہ پاتھی فریاد کران:

سور گوم دلبرو دور کور ژلے	بہا بلے چانہ اشار ستی
------------------------------	-----------------------

بیکان چہس نہ ژالٹھ چانی جدانی	گرتھ وعدہ وفہ بک پزیا بے وفائی
----------------------------------	-----------------------------------

ادی ادی اوسم شادی باگرن نہے	ونتہ وونی کیاز ماتم پیوم
ژہایہ روڈ پتھ ون تل حجابنتے	ونتے یار کتہ آسان میون

(کلیات لالہ آرگامی (ایڈیشن تریئم): ص 203)

لالہ صابن چہے عشقہ کس عبادت گاہس خاطر ”عشقہ مسجد“ ترکیب گرمڑیوس نہ مے آرتام کانسہ کاشر شاعر سنز شاعری اندر وچہمڑ چہے۔ وچہتو:

عشقہ مسجد اندر	بو تو ام امام کافر
تتہ نو سجدس جایے	ولو میانہ آئے مدنو

(کلیات لالہ آرگامی (ایڈیشن تریئم): ص 168)

عشقہ مسجد لیلی ژایہ	مجنون پتہ چہس نمائی
تکبیر پرتہ درایے وعدہ وفائی	موکر ضایہ جوانی

(کلیات لالہ آرگامی (ایڈیشن اول): ص 40)

اسلامی تصوفس اندر چہ روحانی منزلن ہنز درجہ بندی ہنز ارتقائی ترکیب مطابق ناسوت ، ملکوت ، جبروت تہ لاہوت۔ امن منزلن ہنز ذکر چہ لالہ صاب تہ پننہ شاعری اندر گرمڑ۔ مثالے

ناسوت گزرتہ پیوم منساون	ملکوت و آتہ گوس بیدار
جبروت لابوت پیوم ملناون	شاه گزہنہ راون تی گزہ جان

کاشر صوفی شاعری اندر چہ فنا فی الشیخ ، فنا فی الرسول ، فنا فی اللہ تہ کنہ بقا باللہ ہیوی تصور ورتاونہ  
آمتی بیلہ زن تصوف چین أمہات الکتبن اندر تہ فنا تہ بقا ہُک ذکر اکثر کرنہ اُمت چہ لالہ صاب بیلہ یمن اصطلاحن ہنز  
ذکر کران چہ سہ تہ چہ روایتی معنیس اندر پننہ آیہ پیش کران تہ ونان:

فنا فی شیخ گو پیر پرز ناون	فنا فی الرسول نون دیدار
فنا گزہتہ پیوم فی اللہ تہ چھاون	شہہ گزہنہ راون تی گزہ جان
بقا نشہ پیوم یکسان بناون	آتہ شایہ و آتہ بن پروان
آتہ کفر اسلام بیو پیوم تھاون	شہہ گزہنہ راون تی گزہ جان

(کلیات لالہ آرگامی (ایڈیشن ز) : ص 127)

لالہ صابن چہے امہ علاو تہ واریابن تصوفکین تصوراتن زبو ڈرہڑ، طوالتہ کہ خوفہ موجوب کرو بغار مثالو،  
یمن ہند ناوے یوت پیش: وحدت، کثرت، حیرت، عارف الوجود، واجب الوجود، ممکن وجود، علم الیقین، عین الیقین، حق  
الیقین ، حق الحق تہ غاب الغیب بیتر بیتر چہ

کاشر گبونکین ساز سامانن منز چہ طبلہ ، رباب، بنجو، سارن، نوٹ تہ نژنہ باپت بچہ کوٹ لازمی جز۔ لالہ  
صابن چہ اکیس کلامس اندر یمن سارنہ ہند ذکر صوفیانہ رنگہ مطابق کورمٹ پتہ صوفی گونس اندر یمن ساز و سامانہ  
آسن تہ چہ بقول لالہ صاب ” نغمہ منصور“ و زان۔ امہ کلامک اکھ شعر چہ:

سارن چہ وایان سوز یمن بوز کمن تام  
زپر بم ہیوئن بردوش کلیو روش مے مو روش

(کلیات لالہ آرگامی (ایڈیشن ز) : ص 321)

لالہ صابنہ شاعری بیلہ مطالعہ کران چہ آتہ چہ واریابن کلامن اندر ” منصور حلاج“ سوند ذکر مختلف ترکیبہ  
بنآوتہ پیش کرنہ اُمت ۔ یتہ منز سوز منصور ، نغمہ منصور تہ ذکر منصور خاص کر چہ امہ علاو چہ منصور حلاج سوند  
آن الحق کہ کلامک تہ تمی کہ وجہ سبتی دارس کھالہ نک ذکر واریابن کلامن اندر کرنہ اُمت۔

موت منصور پیٹھ دارس کھوت پرنے آن الحق

پوت پھیر ما لولہ نارس ملزارس مبارک

ہا تہ ہوا انزراو برابر سوز منصور پادہ کر

لا الا الله وچہ برابر سوز منصور پادہ کر

شیخ علی بن عثمان بجویریؒ چہ اہل تصوفن ہندی تڑے قسم گنزران: (۱) صوفی، (۲) متصوف تہ (۳) مستصوف۔ تمہ سند ونہ مطابق گوو صوفی سہ، یمی پئن پان فنا آسہ کورمت تہ ونی آسہ حق تعالیٰس سبتی باقی۔ متصوف گوو یس صوفی سندن مقام حاصل کرنہ بابت جد و جہد آسہ کران۔ تہ مستصوف گووسہ یس دنیاپک مال و متاع تہ جاہ و حشمت بابت آسہ صوفی سندن ظاہری رخت پارتہ۔ مستصوف والین چہکھ ”صاحب فضول“ تہ وننہ امت۔ لالہ صاب چہ پننہ شاعری ہندی ذریعہ ایتھن لوکن خلاف بیباک اندازس اندر عام لوکن امن نشہ خبر دار کران۔ ایتھن لوکن خاطر چہ ”مکر“ (یعنی فریب) لفظ ورتاونہ امت وچہتو لالہ صاب کیا چہ فرماوان:

چہنی تسبی پتھر تراو موڑہ خرچاو چہونوی گفتارو

فقرس مو مندچھاو چہی مکرس گڑھان لور پارو

کینہہ وچہ مے فاسق تسبی عاشق پر پر سبتی تر نو سو تے

یہ ہا فوتہ شمار موختہ نشہ ڈالان تنہ آتش ژالان بہ تے

وچہ مے سرسان ملن بابن میل کاغذ بروٹھ گنے

دم بیتہ شیر در بیابان الہ راوان کوہ گنے

بیم چہنہ و بیان نشہ مکارن تمہ مثالیہ بکر تہاوتہ ریش

تمہ خار کریمتی نفس امارن گمیو آوارن نیونے ہوش

اتہ ظاہر پرستی چہ کشیر اندر بیباکھ کلامہ مقبول گوومت، یس یتہ پاتھی چہ:

پلو کوٹ ژہلس منز آسی گمتی گیر ملو کوڑ واران ملک کشمیر

لالہ صابن چہ کینژن کردارن ہند ناو ورتاوتہ کینہہ کلام تحریر کرمتی۔ امن منز چہ ’گریسی کوڑ‘، ’چہانہ کوڑ‘، ’حور گوجرانی‘، ’پاروتی‘ تہ خاص پاتھی ’بٹہ کوڑ‘ کلامہ۔ یمو تہ قلمکار تہ کالم نگارو لالہ صاب نس کلامس متعلق لیوکھمت چہ اکثر وچہ خالی ’بٹہ کوڑ‘ کلامک ذکر کورمت۔ شاید چہ آمیک وجہ یہ ز، یہ کلامہ چہ باقیو کرداری کلامو نشہ کشیر اندر مقبول روڈمت۔ بہ تہ کر آمے کلامک گوڈنیک شعر پیش:

بٹہ کوڑی وٹہ کنہ منز چہی دے کر پوزا ینے مشراوکھ لے

لالہ صابنی زندگی اندر چھے داہ شاعر کتابہ چہاپنہ آسان آمڑ۔ آتہ متعلق چہ خالہ صاب چہان یتہ پاتھی لیکہان:  
” لالہ صابن چہاپو داہ کتابہ پننہ زندگی اندری یمن منز گوڈنچ کتاب ” جام ساقی“ تہ آخری کلامہ اکہ نندنچ ستہ لنجہ  
چہ“

(کلیاتِ لالہ آر گامی) (ایڈیشن اول): (ص 7)

امہ علاو چہ ”کلیاتِ لالہ آرہ گامی“ ناو کتاب 1995، 2008 تہ 2023 ہس اندر مختلف فردو ترتیب دتہ چہاپمڑ۔  
لالہ صابنی شاعری ہند مطالعہ گڑہ کانہہ مخصوص موضوع در نظر رتتہ تہند شاعرانہ گون ژہارنہ ینی۔ یہ  
مقالہ چہ اکہ سرسری تحقیقی لالہ صابنہ شاعری ہند۔ ینہ وائس زمانس منز گڑہ مختلف گوشن پیٹھ کتہ کرنہ ینی، یم سبتی  
نوی نوی نقطہ بروئہہ کن ین، یمہ از تام عاشق صادق سندس انتظارس اندر در پردہ گپتہ چہ

#### کتابیات

آر گامی، لالہ۔ جام ساقی، مرکنٹایل پریس، سری نگر، 1975۔  
آرہ گامی، لالہ۔ کلیاتِ لالہ آرہ گامی۔ مرتب: حبیب اللہ آرہ گامی، 1995۔  
آرہ گامی، لالہ۔ کلیاتِ لالہ آرہ گامی۔ مرتب: خالہ صاب چہان، دویم ایڈیشن، جے کے آفسیٹ پرنٹرس، دہلی، 2008۔  
آرہ گامی، لالہ۔ کلیاتِ لالہ آرہ گامی۔ مرتب: احد صاب لوڈاری، طارق سدر کوٹی تہ بشیر اجسی، ترینم ایڈیشن، تاج پرنٹرس،  
دہلی، 2023۔  
حلاج، منصور۔ طواسین مترجم: عتیق الرحمن عثمانی، المعارف گنج بخش روڈ، لاہور، 1983۔